

## Átt þú erindi?

Færnivíðmiðin eru á tveimur þrepum.

3. þrep: Vinnur almennt undir leiðsögn annarra en getur framkvæmt einfaldari verk á afmörkuðum sviðum.

Kröfur um aldur og starfsreynslu: 23 ára og þriggja ára reynsla í viðburðalýsingu.

4. þrep: Vinnur sjálfstætt að verkefnum, tekur faglegar ákvarðanir, bregst við óskum stjórnenda/verkkaupa, kemur að stýringu verkefna og veitir ráðgjöf á sjálfstæðan hátt.

Kröfur um aldur og starfsreynslu: 25 ára og fimm ára reynsla í viðburðalýsingu.

Ef þú hefur starfsreynslu og hefur ekki lokið námi á framhaldsskólastigi í viðburðalýsingu þá er þess virði að kynna sér málið.

## Hver er tilgangurinn?

Undanfarið ár hefur verið unnið að því að skilgreina hvaða færnikröfur lýsingamenn þurfa að uppfylla í starfi sínu. Myndaður var faghópur sem samanstendur af einstaklingum úr ólíkum geirum viðburðalýsinga og hópur stjórnenda sem mótuðu kröfur um færni lýsingamanna. Nú liggja þessi færnivíðmið fyrir og býðst þeim sem hafa starfsreynslu úr viðburðalýsingu að fara í raunfærnimat á móti þeim.

Eftir raunfærnimat fær einstaklingurinn skjal þar sem raunfærni hans er staðfest. Það skjal getur hann notað til að sýna fram á færni sína á núverandi vinnustað, þegar hann sækir um vinnu eða þegar hann þarf að sýna fram á færni vegna verkefna.

Markmiðið er að eftir raunfærnimatið liggi fyrir skilgreining á færni viðkomandi einstaklings. Þessar upplýsingar getur hann einnig nýtt til að sækja frekari þekkingu ef hann telur þörf á.

Í stuttu máli, markmið raunfærnimats er að meta færni og gefa út staðfestingu á henni.

**Upplýsingar um raunfærnimat í viðburðalýsingu er hægt að fá hjá Fræðsluskrifstofu rafiðnaðarins í síma 580-5252 og á heimasíðu Fræðsluskrifstofunnar [www.rafnam.is](http://www.rafnam.is)**




# Raunfærnimat í viðburðalýsingu

## Mat og staðfesting á þekkingu og reynslu

Ef þú starfar við viðburðalýsingu og hefur gert það í nokkur ár, þá á þessi bæklingur erindi til þín.

**fti.**

Félag tæknifólks í rafiðnaði



**fti.**

Félag tæknifólks í rafiðnaði

## Hvað er raunfærnimat?

Raunfærnimat er tiltölulega nýtt af nálinni á Íslandi.

Raunfærnimat er skipulagt ferli þar sem lagt er formlegt mat á alhliða þekkingu og færni einstaklings sem hann hefur aflað sér með t.d. starfsreynslu, námi, félagsstörfum og lífsreynslu. Markmiðið er að einstaklingur fái viðurkennda þá raunfærni sem hann býr yfir á ákveðnum tíma.

Algengast er að raunfærnimat fari fram á móti námsskrá og til dæmis hafa yfir 500 einstaklingar lokið raunfærnimati á móti námsskrám í iðngreinum.

Raunfærnimat í þessu verkefni er á móti viðmiðum sem eru búin til í atvinnulífinu og er það sjaldgæfara. Raunfærnimat í hljóðvinnslu var haldið vor og haust '11, vor '12 og haust '15. Alls hafa 52 lokið raunfærnimati í hljóðvinnslu.

Hægt er nálgast frekari upplýsingar um raunfærnimat á heimasíðu Fræðsluskrifstofu rafiðnaðarins [www.rafnam.is](http://www.rafnam.is).

Ef þú óskar eftir frekari upplýsingum um verkefnið er hægt að hafa samband við Ísleif Árna Jakobsson hjá Fræðsluskrifstofu rafiðnaðarins í síma 580-5252 eða með því að senda póst á [isleifur@rafnam.is](mailto:isleifur@rafnam.is)

## Hverjir standa að verkefninu?

Verkefnið er unnið að frumkvæði Félags tæknifólks í rafiðnaði en í stýrihópi sitja fulltrúar fyrirtækja í viðburðalýsingu auk Tækniskólans- skóla atvinnulífsins og Fræðsluskrifstofu rafiðnaðarins.

Fræðsluskrifstofa rafiðnaðarins stýrir verkefninu og leggur til sérfræðiþekkingu vegna raunfærnimats en Mímir-símenntun sér um náms og starfsráðgjöf.



Fræðsluskrifstofa rafiðnaðarins

## Ferillinn í verkefninu

### Þú kynnir þér verkefnið

- Kynningarfundur.
- Ákvörðun um hvort þú sækir um.
- Bókar viðtal við náms- og starfsráðgjafa.

### Þú ferð í viðtal við náms- og starfsráðgjafa

- Kynning á ferlinu.
- Þú leggur fram gögn um reynslu.
- Endanlegur hópur þátttakenda verður til.

### Þú skráir reynslu og leggur mat á þekkingu þína miðað við færni viðmiði

- Skráir reynslu, fyrra nám og aðra þekkingu sem þú býrð yfir.
- Sjálfsmat – þátttakandi leggur mat á færni út frá færni viðmiðum.
- Samtal við stjórnanda eða samstarfsmann um sjálfsmat þitt.

### Þú ferð í raunfærnimat

- Raunfærnimat byggist á samtali milli þín og þess sem er fagaðili.
- Þar er lögð áhersla á að þú fái tækifæri til að koma á framfæri þekkingu þinni og færni.
- Þú getur verið beðin/n um að sýna færni þína, það geta verið lagðar fyrir þig lýsingar á aðstæðum og þú beðinn að vinna úr þeim eða settar fram aðrar aðferðir sem nýtast í því skyni að gera færni þína sýnilegri.

### Að loknu raunfærnimati

- Farið yfir niðurstöður með þér.
- Þú færð í hendur staðfestingu á færni.